

基隆市 108 學年度本土語文（閩南語、客家語）歷年演講稿成果冊徵稿

指導老師或 文稿原作者 姓名	指導老師		編號	
	文稿原作	張雯玲		
作者照片				
作者簡介(請 用自己的母 語書寫,若有 兩人以上 者,請分開書 寫)	<p>張雯玲 武崙國小、東信國小、正濱國小閩南語支援人員。 這篇是我佇正濱國小指導學生參加演講比賽所寫的文章，因為愛考慮著學生的想法俗台語程度，所以無用真深的台語用詞俗俗語，我認為會當予囡仔講會順上要緊，這篇文章會當入選，真意外，感謝評審委員無棄嫌。</p>			
題目	食緊拚破碗			
組別	<input checked="" type="checkbox"/> 國小組 <input type="checkbox"/> 國中組 <input type="checkbox"/> 高中組			
語言別	<input checked="" type="checkbox"/> 閩南語 <input type="checkbox"/> 客家語海陸腔 <input type="checkbox"/> 客家語四縣腔			
文稿內容 (請將文稿 貼在空白 處,如有特 殊字型,請 提供。)	<p>食緊拚破碗，這是咱台灣真有名的一句俗語，意思是咧講咱有時陣拄著代誌，想欲趕緊做，毋閣煞顛倒慢，想欲緊完成一件代誌，事先無好好仔想，無好好仔</p>			

規劃，到最後煞甲代誌舞甲害了了。台灣閣有一句俗語講：「未曾(讀音:bē-tsîng)學行，就想欲學飛。」，就是講人未曾學行路，就想欲佇天頂飛，做代誌無準備，衝衝碰碰，無認真拍拚，就想欲成功，這是無可能的代誌，最後一定會食緊拚破碗。

會記得，有一工的暗時，阿爸佷(讀音:kah)阿母無佇厝裡，阿媽佇灶跤煮好料，煮甲大粒汗細粒汗，舞規半晷才甲暗頓煮好勢，我當咧寫功課，因為想欲去客廳看電視，所以我就馬馬虎虎清彩寫寫咧，阿公喝我去食飯，我坐佇飯桌，煞憨神憨神，無專心咧食飯，飯才扒兩喙爾爾，規碗飯隨攏摔倒去，邊仔的湯嘛攏摔甲規桌頂，阿媽看著真受氣，她說：「你真正是生雞卵無，放雞屎有，無彩我佇灶跤舞規半晷，煮一桌好料欲予你食，你煞摔摔倒，毋知你的頭殼咧想啥貨？」，啊--，我的頭殼就是咧想彼隻中國貓熊，我咧想香港周星馳拍的電影，電影裡底有一隻功夫蓋厲害的中國貓熊，他的跤踢過來閣踢過去，甲歹人踏甲東倒西歪，我寫功課佷食飯的時，就是咧想趕緊去客廳看中國貓熊的電影，所以毋才會食緊拚破碗，這應該是我頭殼裡底的彼隻貓熊的

跤，共碗踢倒去，唉！實在是真害。

有當時仔，我趕欲去看電視，功課攞清彩寫寫咧，食飯嘛無專心咧食，甲飯菜摔倒，這款毛病予人真袂呵，恁千萬毋通學我喔！

佇學校，下課的時，我定定看著同學為著趕欲去運動埕迤，佇學校裡底，從(讀音:tsōng)過來閣從過去，有時陣兩個人閣會相撞，我咧想，這若是佇咧街仔路，車駛過來閣駛過去，趕欲過馬路，親像按呢黑白從，萬一去予車撞到，後果真正是毋敢想。

所以講「緊事愛寬辦」，毋管拄著啥物代誌，攞愛先想予清楚，毋通緊張，愛寬寬來，慢慢仔做，人講：「緊事三分輸」，你心肝若是不安，若是緊張，一定做無好代誌，猶未做，就先輸三分！毋管是讀冊，抑是做人，攞愛跔踏實地，一步一跔印，做代誌千萬毋通衝衝碰碰。

食飯嘛是全款，心頭愛掠予定，碗愛捧予好，碗若是捧無好，一定會摔倒去，到時陣，你啥物攞免食，後悔嘛毋赴矣。

